

日本野史

和書門			
類	號	冊	架
一五九〇	二〇〇	二〇〇	二〇〇

內閣文庫			
類	號	冊	架
和書	一五九〇	二〇〇	二〇〇
	三九函	廿三	

內閣文庫			
番號	和	15190	
冊數	200(127)		
函號	139	3	

新獻
三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





野史卷一百六十八



源忠彥 修



武目列傳第七十六

立花宗茂 高橋鎮種 元種

立花宗茂本名斧虎筑前人也實高橋鎮種入道
運子為戶次鑑連入道道雪養子戶次氏出自大友
親秀二男重秀重秀初居豐後大分郡戶次莊因以
為族稱重秀十一世親載徙居大野郡鎧嶽親載生
親貞親貞生親家親家生鑑連連初具母由布氏禱田

原八幡祠娘生鑑連小字八幡立花家譜初名守
親十四歲元服大友義鑑授諱字改名鑑連字孫二
郎稱伯耆守紀伊守丹後守左衛門大夫及長賴敏
驍勇絕人育士恤民恩惠備至立花事實天文四年
八月菊池族叛大友義鎮令鑑連伐之與城赤星隈
部等戰于車返立花戰死錄弘治二年七月與高橋
鑑種白拵速攻秋月文種殺之八月進攻筑紫惟
門于勝尾城拔之九列軍記永祿五年五月剃髮是
時大友義鎮剃髮號宗麟授偏字鑑連號麟白既而
大友氏稍衰四疆多虞適有僧自中國至鑑連曰我

老冀事豐後有終始師具為擇名僧曰雪降於道者
道消君欲保晚節具道雪乎於是軒號麟白名曰道
雪播家十月小早川隆景師二萬攻門司城城險而兵
寡穴戶大學冒矢石拔崖坂先登城陷隆景入城宗麟
聞敗使道雪及柿藤鎮實吉弘鑑理兵二萬赴擊之
至立石原分作二隊道雪循安達山西出柳浦鎮實
鎮理次魚野嶋野踰山進與藝師戰于柳浦使軍每
矢書戶次丹後守贈以射已而鎮實等踰山而進藝
師入城保道雪等聯陣於西山屬海以薄城藝師以
主客勢異豐兵日衆棄城而去追擊蹙之海九列治

永祿十年七月道雪與鑑速鑑理出軍太宰府與高
橋鑑種大戰于寶滿山下敵鋒甚銳兵却者二道雪
親督戰十時惟忠等善戰有敵一人関弓射道雪距
可三步内田鎮竝以身蔽障中矢死道雪免尋圍寶
滿八月攻秋月與種實戰于甘水長谷山自己至申
七回道雪用刀多所斬獲惟忠驍勇以刀鋒貫一人
高揭投之五步外後人呼其地曰投人原次日進攻
城督衆冒矢石以登遂克之種實退保古所山道雪
軍休松尾列陣以蹙古所山國人聞藝援軍至相
告歸鎮實等退次松尾鑑速等亦將回兵九月三日

夜種實出襲二人陣舉軍潰士卒鳥散城兵乘勝未
伐軍不能破小却篝火相持道雪兵止百二十餘人
秋月兵衆道雪欲出奇取之滅火吹笛傳呼陽出敵
後因其恟懼擊破之天明聚潰卒益進力戰追北至
古所山下身斬後退次人次原是戰一族鑑堅親繁
親宗鑑比及十時惟忠由布惟清等死者五十餘人
立花懷覽及十時惟忠由布惟清等死者五十餘人
書戶次幸榮覽書十一月宗麟召返諸將獨留道
雪守西陸豐前永祿十一年道雪討立花鑑載鑑載
亦道雪同族其先出自大友氏世為立花城主鑑載
父鑑光先世以來有功於豐加以屬宗麟過之極隆

并忍并之訖

鑑載少側微已後肥筑之役屢有功及為立花城主
禮遇與先世不異稍驕恣欲滅宗家并吞西列事露
見誅鑑載亦雄傑其母自幼悔以悖逆終至覆宗鑑
載實袖丸右近子也或以為秋月文種遺種文種之
誅也有毒方娠有姿容右近納以為妻在幾生男及
右近有罪見誅一萬田彈正欲取其釐錢遂得取其
子養之甚愛之得為立花氏後云後川覺書訓立花
東城曰并搆山鑑載所搆西城曰白嶽奴留湯融泉
居之初鑑載聞毛利元就武威稍震及上國以為九
列亦且為元就并欲蚤自異使人謂元就曰立花險

絕為九列要領君若西略請為鄉導高橋鑑種亦使
其老湯藤尾張請援於是元就發防長二列兵八千
赴立花薦野宗鎮奴留湯融泉米多比大學助等未
知鑑載有異志每相議軍事一日鑑載以申樂召宗
鎮大學而殺之急攻白嶽融泉僅以身免走筑後四
月藝師入立花於是道雪軍筑後赤司鑑理鑑速軍
於八町馮募兵將攻寶滿會鑑載叛二十四日率三
萬傳立花崖下鑑載與安武民部等偕兵一萬拒戰
主客相搏積尸成崖日晡道雪揮兵先登城兵潰散
鑑載自殺九列軍記餘兵走名馮乃使臼杵進士等

守立花城軍九列尋道雪軍野田欲盡誅國人與秋月
高橋者國人聞之皆走寶滿秋月衛藤尾張與鑑載
誓同死生及戰敗棄鑑載而走為人所笑病之欲拔
之花以雪前耻嘯集散亡與原田親種清水左近合
兵八月二日黎明進攻立花主將告急於道雪道雪
自野田鑑速鑑理俱率兵赴救鑑速等背城以戰兩
軍皆疲交鋒敵更出衝道雪軍道雪督兵圍之治亂
鑑速鑑理鼓譟薄敵後親種等知不免殊死戰道雪
分兵作六隊小野鎮幸為先隊更進戰敵兵死傷殆
盡獲尾張左近走親種喪馬步鬪有人與騎而走九

軍記宗像立花已平道雪留鈔筑前事鑑速鑑理移
軍于太宰府復攻寶滿秋月種實隆豐前永祿十二
年道雪先宗麟發伐肥前筑紫廣門援龍造寺隆信
道雪後日田先進擊却之懷讓二月宗麟令道雪及鑑
速鑑理為先鋒進濟筑後川軍朝日山鑑理軍水上
諭隆信曰速未謝罪否必屠之不應師進畧琴神碕
道雪軍妙村鑑速軍境原距城里餘隆信不肯出歷
二旬一夜軍中批言隆信將襲境原衆疑懼軍師石
宗進討道雪道雪與左右往鑑速陣曰軍中恒擾卿
亦速脫甲就寢鑑速後之軍乃定天明道雪督軍進

半里許撤民屋半燬者建營會隆信遣人來贈白馬
曰久勞軍事往者有命至高良山相見迂延未果今
將親詣軍謝罪道雪謂是緩師而已受馬謝而遣居
月餘隆信不至肥後人城親賢屬鑑理陣隆信勸移
陣肥人盡移軍南園北園師退次高見山而道雪勸
宗麟先回旗而道雪遣人謂親賢曰聞藝師將踰海
而西待其至擊塵之肥人或懷反側事定乞復望食
其土親賢乃來會師將自太宰府進道雪鑑速鑑理
進軍於博多箱碕會大雨河水漲止次警固藥院赤
坂糧運不屬箱碕坐主憐清為募餉于箱碕諭之尋

泝多多良河藝師雲集後蘆屋濱至立花山下藝師
舟載器械完備豐師陸運不繼上長尾山兵皆會集
藝師送歸立花留守臼杵進士等於掛子嶽豐前書五
月宗麟出陣日田道雪等軍海濱藝師軍長尾十八
日進與之戰讓狀治

○九列軍記九列治亂記並云是戰吉川小早川
已出而陣豐師望見分兵二萬五千作二部道雪
鑑速鑑理等各將五千為一軍其餘豐筑肥諸部
二十四人每人分隊五月十八日大戰于多多良
濱勝負未分道雪進伐長尾軍躬親搏戰藝師退

五町請軍衆機奮擊藝兵退保立花城掘險自固
道雪士十時惟則等死亡多○豐前覺書云初與
藝師相距道雪謂鎰速鎰理曰藝師不出當進擊
之衆欲俟戰道雪曰我一隊當之吾不勝矣坐
待彼至何為遂發諸部後戰○又云六月下旬藝
師已保城日出於卒罵豐師道雪及鎰速鎰理曰
諺云勝而黜曹纓然曠日相持無益也乃整衆經
山谷間稍進藝兵發銳批之豐兵進焚山下一營
而還

豐藝相拒已久兵皆罷倦日就軍中置酒高會豐師

陸路轉輸每苦難繼藝則海道便近糧食饒贍至十
月將校請曰暴師數月屢苦乏絕恐難耐寒且退次
宿戶俟明春道雪曰武神臨我果尚死有益於國臣
節終矣誓不退也遂不言歸十二日夜大雪藝營火
起豐軍恠之欲追之而立花方巡城警火急猶豫皆
甲而待及天明使探視之藝師已去澗谷間凍死相
屬因急追之不及唯折落後者數百人豐前覺書

○大友興廢記逸史並云十月藝師以國有亂襲
拔立花置戍回師吉川小早川殿而去豐兵請追
道雪弗聽曰藝師是整未可冀也乃諭立花戍者

行成成者致城而去○宗像追考記云十月望夜
而雪藝師置戍於立花城而去諸軍追之不及皆
拋藝營攻立花固守不下瑜守將送歸之藝

十一月道雪在蘆屋移軍於嘉摩德浪次日攻寶滿

銃丸而下高橋鑑種因吉弘鑑理乞降豐前元龜元

年移次筑後赤司十月宗麟命道雪鎮立花野家

書二年高橋紹運守巖屋寶滿與筑紫秋月對抗筑

紫秋月膏通隆信宗麟與隆信行成猶令道雪備之

宗麟崇信耶蘇初建幾利支丹寺壞神祠佛刹家國

衰弊道雪諫曰頃年國政在度每戰失利群國諸士

及兒童靡不彈指者請棄邪歸正路棟平錄西宗麟

厭之稱歷肥後真道雪於立花言曰御嘗所請以老

成爲我守之道雪遂徙居立花城後改族稱立花云

肥陽軍記天正六年十一月聞敵將攻寶滿立花十

二月與紹運俱入保初辛未年筑筑前事至此八年

始城守屢出兵與秋月筑紫戰天正七年六月築賀

良山西若先是箱碕坐主方清築東若并松尾因使

坐主守之豐前龍造寺隆信與秋月筑紫同叛使其

族家晴及鍋馮彈介將兵數千入柳川與城主蒲池

鎮漣謀將攻諸豪屬豐者秋月筑紫多築寨於境上

欲侵室滿立花地道雪紹運亦築砦於米山龍城置
戌秋月筑紫屢出兵挑戰紹運與相持未戰原田隆
種與委奴郡兵應隆信將攻鷲嶽安樂平二人聞之
與謀紹運拒禦筑紫秋月道雪獨與隆種戰及敵兵
去早良道雪親將軍鹽原七月隆種親安樂平渡早
良河逆戰於鳥飼勝負未分小田部大鶴合兵八百
進戰弓銃亂發隆種欲分兵防之軍素無紀律騷擾
道雪麾衆曰敵敗急進擊之十時連貞等大叫馳之
小田部大鶴自山上橫衝隆種軍大敗走入委奴追
北過河至野外道雪退入臼杵所戌博多砦是月立

年記秋九 秋月種實筑紫廣門率兵三千軍太宰府以
薄巖屋屋山種速告急道雪自將由山道出御笠會
紹運于北谷定軍議率兵千五百當種實紹運兵千
當廣門日午整隊下山種實廣門退走俱縱兵追之
薦野增時父子兵三百屯觀音寺要擊之廣門邪經
御笠郡走基肆種實後吉木磧走夜須廣野九月道
雪與紹運及志賀道輝謀擊原田親種紹運駐守巖
屋以備秋月筑紫道雪率兵過生松原入委奴別遣
兵五百乘舡與木付鑑實合攻高祖道輝由日向
坂前先是大友氏遣田北紹鐵朽綱宗歷將兵三千

略上座種實聞之自率數千人軍麻氏良城宗像氏
負有故不能出道雪道輝夜半傳殺親種聞之欲誘
兵深入以擊之不置兵坂道特發千餘兵拒道輝於
日向坂自督兵二千以原田林慶等為先鋒軍上原
上山道雪已入委奴行焚民舍不見敵遂進薄高祖
小野鎮幸由布惟信等望見山上敵進與戰道雪憚
深入擾亂麾兵未及使鎮幸等先進力戰敵敗却隆
種以千餘兵屯左阜鼓譟橫衝之師不利敵尾擊兵
潰走至姪濱道輝亦為波多江等所敗登大西山休
兵馬道雪背十六町河而陣親種連追并兵進薄姪

濱敵或謂後有水彼疲極潮且盈請擊林慶不可曰
今擊之彼必致死不如待湖涸增時鎮幸謂道雪曰
湖若涸罷卒爭走迫其未涸戰必克道雪曰善下令
曰湖方盈不殲敵則不免乃督兵二千鼓譟前進敵
棄勝鋒銳甚鎮幸等死戰卒皆力鬪遂擊破追北過
長垂山林慶跳至上原村反戰道雪兵夾擊獲林慶
其兵二百皆殲烏散兵走高祖追躡傳城下縱火而
還家野

○豐前覺書作天正七年八月或云永祿十一年
今按本書作原田親秀原田系圖各親秀隆種削

髮号了榮一名親秀矣親種隆種第四子以天正
元年二月自殺于高祖城

是月道雪紹運合兵出鞍子綴火焚移城下誘種實
出戰種實聞豐師軍企救田河將攻高橋元種將兵
赴之不得共戰大鶴鑑尚守津久見嶽多買隆忠餘
黨仍保高宮嶽為種實所誘皆反道雪紹運召道輝
出將夾擊之鑑尚因道輝乞降道雪命斬之九列軍記
種實軍柴田道雪紹運合兵軍針摺夾河交射既
而進戰河中元寡不敵道雪等欲退入巖屋邑城秋
月兵追至白川日將暮或諫種實不聽紹運使惟信

等兵二千自間道出敵後大呼擊之敵騷擾死傷且
盡紹運設旗幟數千於二日市針摺間種實望見以
為豐師繼至由杉塚長因終夜走還彌永十二月杉
麻生許斐江刺等侵掠糟谷地通雪邀戰兩三日綴
秋月兵而遣戶次鎮榮等襲許斐擒氏備妻擊分兵
守其寨氏備聞變歸城已為人占有走德重宗家氏貞
大恩放氏備于大嶋明年除日氏備復許斐云九川軍記
天正八年九月通雪紹運會石坂進軍間野種實遣
兵八千掩之將逆戰大橋京林曰時辰未可秋月兵
益進先鋒欲鬪京林曰未追進數步而曰可士卒齊起

大破秋月兵追北三里至土師村馘敵三百五十封
之為三墳覺書前是年與隆信戰不利隆信將攻立花
城通雪乞援于宗麟而不出隆信亦收兵而去天正
九年以廣門數寇築芳于麥野及宮司嶽灰塚律久
見嶽等防之之花記豐前覺書道雪紹運發兵六千餘伏路
縱火于古所山址抵石垣山種實老升田親氏率兵
拒之進戰獲親氏之花記大友興廢記十一月鷹取守將森鎮
賈乞糧及火藥大友義信命道雪納糧道雪將出聞
抗紫及龍造寺欲乘間襲立花使小野鎮幸等納糧
歸宗像兵邀之全原道雪聞之倉遽著甲上城樓謂

左右曰和泉往必不至狼狽溪川聞書抄連並出兵
追尾鎮幸返擊卻之宗像兵于土豪合俱夾擊鎮幸
等當左右獲首二百日暮退保吉川嶺興廢記天心
十年二月道雪討山門邑牧民歸原田兵要之生松
原發銃擊之道雪督兵返戰左右傷者多豐前覺書十一
月道雪紹運率兵軍石坂潤野遣偵卒焚秋月食邑
嘉摩穗波諸處而還秋月兵八千要擊之偕駐軍以
待敵已迫衆進戰破之獲首七百餘級立花戰功
錄高橋記十
一年春廣門屢出剽掠迫邑道雪紹運合兵擊之或
伏兵當之殺傷互多十二年四月廣門侵御笠道雪

逆戰於武藏城下擊破之立花七月義紡出師于日
田令攻猫尾城城固不拔將罷歸道雪紹運聞之曰
豐府宗目多死耳川兵威日衰為秋月筑紫所侮我
發兵合豐師可以樹功留紡虎守立花八月親督兵
二千夜發過秋月筑紫星野向注所草野之地出兵
激擊者皆走之涉筑後川而軍野田拳山豐前道雪
與豐諸將議進軍河碕大藏山分兵略西郡攻西牟
田家親城鴻而略柳河邊邑高良山良寬未送款豐
先鋒朽網宗歷移軍高良山黑木政實以猫尾城而
降高牟禮成聞之而潰蒲池鎮連杉連並等皆降進

焚柳河邊邑瀨高上下莊鷹尾至三池郡界西牟田
及和仁親實三池鎮實邊春等皆送款立花記引十
月道雪及紹運次高良山進攻草野重長重長父子
戰敗棄城走保發心嶽縱火於其城侵星野向注所
邑遣兵于諸城進入秋月境侵略郡邑豐將田原親
家聞道雪等攻秋月與種實戰于上座而不利收兵
還日田道雪等聞親家敗亦引兵還次高良山治亂
橋記親家猜忌道雪紹運功績多構讒間義紡曰師肥
軍天正十三年四月進兵焚柳河鷹尾城下侵略近
郡立花記九龍造寺政家使後藤家信將彼多筑紫

兵軍久留米豐師當秋月佐嘉头道雪紹運當家信
筑紫兵戰于小森野衆寡不敵稍引退敵追躡又擊
卻之記治乳七日與紹運破北野赤司二塔萬壽九月
疾卒于高良山陣中年七十三立花系遺囑帶甲葬
于筑後北野古御後改葬立花城梅嶽覺書立道雪
年弱在藤北夏月架棚于大樹下晝眠雷兩俄震袖
刀斫之傷足與廢行步不便常乘兜轎把刀高田作
批及午銃又附腕貫于三尺午棍從精兵百于左右
各執眉尖刀稱曰足衆每軍令昇轎追接戰揮棍於
轎中擲擊左右奮勵曰惠以登宇云云且謂衆斯機

拍吾轎於敵中去是以每戰前部雖敗中軍未有一
敗善撫綏士卒故與賓客接士若有過乃為謝曰靖
怨渠等不馴禮節然當軍旅則發火華也自揭午擬
把槍客曰何管他事古御宗茂小字千然鶴丸系生
稟強健乳哺不滯甫四五歲若他七八歲記速六七
歲好武戲倒童兒最輕捷及長聰敏穎悟有辨才八
歲出觀物群不逞鬪淨擾後亂衆懼走從者將技去舒
亮自若曰觀物畢矣耶對曰未也鬪淨起非幼者可
居地舒亮晒曰我不耐見汝輩狼狽我非彼敵手矣
濫加害予更無蕩搖逮十歲父紹運令获尾某誅刑

人鈔虎問其狀對曰從背一刀下截馬左右曰後截
易為鈔虎曰莫論前後難易惟以獲為功若除易就
難不能刺如過謬何是無益之論軍旅之障礙也齊
舊聞十一歲往五花見道雪道雪引字之召壯者試
射視之戲謂曰子猶幼恐未能對曰孤矢將軍何謂
不勝即悅挽側弓曰弱請道雪淋上弓尤勁者乃射四
發三中道雪使人請鈔虎於紹運不聽居三年請而
不已遂許諾家譜十二歲養鷹於郊野童幼多從會
狂狗吠走衆怖去鈔虎親逆抽劍倒擊拘畏縮而去
他日紹運問曰胡為不伐鈔虎笑對曰嘗聞刀劍以

養恐拳之記

斬人未聞斬狗紹運攬淚滅曰度量有餘才智超倫
成長之後莫濟焉迨十三歲紹運出軍謂鈔虎曰子
亦從軍乎對曰意雖欲從軀未剛遇敵徒死遺憾也
顯歷一二年當一方敵矣請辭舊聞天正十年十一
月大友宗麟使朽綱宗歷攻門注所治部大輔於井
上城城將陷秋月種實為後援宗歷解圍對抗於後
川紹運道雪遣兵將赴援會有叛者宗麟召歸宗歷
道雪紹運相議縱火於嘉摩德波侵略郡邑將回兵
種實率兵追尾道雪紹運軍石坂鈔虎時十四歲謂
衆曰敵已咫尺能從我者殊作一隊距紹運軍三町

許傳臣有馬伊賀諫曰敵兵衆恐為其所圍不得復
與大軍合伊虎晒曰彼雖衆何能為若與大人併部
士卒不肯從我命姑從余言伊賀嘆曰老将猶知不
及此君尚弱初陣乃如斯分兵百五十從之秋月兵
踰坂進已通紹運麾衆電擊自亦揮眉尖刀而進伊
虎督兵橫衝之秋月後軍進大戰于坂路敵察為將
帥皆萃伊虎暨伊賀力戰斫敵三騎傷額敵堀江備
前趨伊虎射之汰長刀柄中左腕備前益奮舍
刀與搏伊虎遂撲僵之令馘焉萬開記薦野家譜○
高橋元立花戰功錄
並作十原田隆種之屬龍造寺氏勢甚張蠶食早良
六歲

阿

過半屢踰山侵那何郡小田部大鶴疆土日感道雪
紹運為之援饒得自保隆種築砦巖戶御久邊即使
其人豈大炊助兵三百守之道雪曰隆種臨阪踰山
略那阿屬多事姑舍之今乃深入築砦是願我也使
宗茂將兵千餘擊之

○野史氏今按此軍係天正十年四月然石坂之
戰諸書多作伊虎初從軍云石坂之戰是年十一
月矣恐有誤謬故姑缺月以俟後考

晨傳壁分兵東西並進城上矢石交下立花兵疾攻
日午克之斬首多敵皆走早良終燬砦而還薦野會

土寇七百保大久菴村將伐之設壘於村外廣四五丈不可踰遂引歸費前覺書道雪稱揚鈔虎勇武強請紹運以為女婿舊聞記

○古鄉物語云紹運請嗣於道雪道雪以二男主膳年齒尚幼強請宗茂為嗣

道雪卒宗茂繼其後居立花山城藩翰譜天正十四年七月嶋津義久侵掠九列出師逼巖屋城鈔虎遣人招紹運曰巖屋非險要請移賀備而據守為紹運冷笑曰運盛則生于死地衰則死于生路我死期在邇焉弗聽鈔虎賤淚道野上七郎等二十七人赴

援運糧藥紹運不悅盡令遣歸舊聞記城遂陷紹

運自殺鈔增就虜斬守立花一城耳鈔虎自若曰我

固知其必然待敵來據城戰死耳益嚴守備薩兵遠

圍使人來謂曰巖屋已定將有事立花寡君素與君

無仇今者將撫有西海君請為寡君居間以與豐平

往屬以此請大人大人不聽而死君非與關白有舊

君若與寡君所有縣邑我其無與知又使謂諸士曰

子君少未習事子輩良因勿徒取夷滅使者三友立

花鎮實由布堆信等會淺或曰薩軍銳甚筑紫已降

以巖屋之武猶不能終身我非愛死顧先君之子一

人而已君故罹禍宗祀永絕或謂死生命也士窮不
失節君故豐宗室已與敵下有約義不可倍且先君
俱以武著無所降屈今薩雖強北面事之能無愧於
心乎巖屋已執義汝且上國之援不過二旬必至我
兵雖寡戮力固守可隘三旬若不能則死耳仿虎曰
我與其生無義寧死敵刃為誓衆大震

○立花懷覽記云薩軍將攻城城中恟恟謀無竹
出內田鎮家曰臣請見薩將說而緩之不成死之
遂往見薩將約降薩將大悅居三日鎮家復往曰
前日之言詐耳明日辰牌決鬪於城下臣歸願得

賜以為証因獻長刀薩將怒曰豎子壯我立花人
何以能戰軍有故事特宥汝命新納武藏受長刀
授以刀鎧家婦保聚以待薩兵不至二十四日收
兵濟宮路川而去○國史實錄云薩兵誘降宗茂
對曰去去年宗麟上洛而後秀吉下令以筑前為
公領命紹運道雪為兩奉行凡為武夫者以無貳
為職是以紹運既死義我雖年少不欲竊生路而
流醜於天下也惟族薩軍至而死耳再三不應薩
兵僉曰義士也乃回師

益修守備高壘完牆薩軍攻巖屋多死立花絕險守

兵比巖屋亦多攻之不能下恐上國援兵承其弊不敢薄城止焚郭外廬舍而已

○立齋舊聞記云薩兵知竟不可降議攻取累師數月迄八月二十四日遂焚城下引兵歸宗茂曰受圍數月見歎去不能追如人之噬何即遣兵追蹤頗有斬獲○嶋津世錄記云云使者反命皆曰義士也殺之弗祥遂班師○九列軍記云薩師次遠矢原盡火立花城下分據要害時出輕兵發銃攻城迄八月藝師渡海而進收兵入肥次八代○安河内氏筆記云薩師傳城城中固備弓銃亂發

屢出禦戰于山谷間薩師不能進云

當是時寶滿為秋月所擄義久命置戍於巖屋又修高鳥升使星野吉實兄弟守之以遏立花八月黑田如水宮木豐盛航海至柳浦藝師繼之薩軍在立石小倉者皆退保巖屋已而義久命諸軍在筑前者退入肥後二十四日薩師引歸城中出兵從之斬獲頗多治亂記薦野家譜伊虎追躡薩師歸途攻星野鎮胤于若松城拔之鎮胤兄弟一族二十餘人悉殲焉肥陽軍記治亂高鳥升城距立花六十町初宗像氏所鎮廢已久薩兵修之使星野吉實及弟民部少輔拒守枳茂太平記

三郎野少輔

兵二百宗茂與吉川之春小早川隆景併

兵三千攻之一軍鼓噪而登矢丸兩飛士卒爭乘壁

吉實兄弟禦戰死之縱火城陷舊聞記秋月種實

使桑野新右衛門守巖屋紡虎伐之先鋒偏城發銃

相挑士卒素渚地理由上絡中卒進縱火于城新右

衛門不能拒禦遂棄壁逃去豐前覺書秋月兵守寶

滿者聞之亦潰薦野紡虎昔送款於關白秀吉於是

秀吉嘆曰薩人屢侵伐九列唯紡虎以寡能禦衆斬

戮數百為孤完備者持紡虎而已可謂西海一人矣

乃予書褒焉舊聞記

藩翰譜

○薦野家譜云天正十四年冬紡虎聞秀吉西征

與紹運議曰關白征九列宜靖為先導當是時士

夫專事戰鬥不嫻辭令乃擇薦野增時授族立花

與紹運使者赴大坂因黑田如水以聞秀吉大悅

將見之如水問其所齎對曰棉布二十端如水西

曰此太儉薄乃買束帛為贄以棉布為使者贄秀

吉引見二使曰紹運紡虎首歸我忠莫大焉賜刀

於二使旦曰子等速歸固備禁戰以族我師使者

及命隣邦人聞之乾笑曰紹運父子請援於上國

道路遼遠何時能到矣今按紹運已歟疑有誤

天正十五年六月九日列悉平秀吉封纺虎以筑後三

郡食十二萬石治柳川城舊聞記秀吉授羽柴族豐

臣氏武家補任尋叙從五位下任左近衛將監藩翰

○今按立齋舊聞記載去年九月秀吉所賜書已

載立花左近將監殿然既稱之今更任矣乎

佐佐成政封肥後撫民不煩土寇屢起郡邑騷擾成

政不能剗平會平山寨糧盡乞救於鍋嶋勝茂勝茂

率兵七千赴援不克事聞大坂九月秀吉賜書於纺

虎赴救纺虎乃率兵千八百舊聞記入肥後成政遣

人請救山鹿附寨蓋平纺虎應諾夜潛兵造山鹿次

日黎明分作三隊對隈部城而運糧於山鹿東西附

寨城兵追躡纺虎親揮麾返擊及日晚交鋒佐佐軍

記國人大津山家校亦致成政乃收大津山轟截城

遷居前原成政使佐佐藤右衛門守馬家校怨憤歷

日會內空閑鎮房遣人誘與黨家校悅應諾募兵二

百六十搃大田黑神尾城開柳川兵運糧於山鹿附

寨與和仁親實邊春親行謀合出兵于路將遮奪之

而不及遇歸路纺虎擊走之斬獲頗多佐佐軍終擊悉

平之藩翰十六年纺虎速職京師秀吉謂曰去年預

定議封卿于肥後而聞家衆皆不欲是以罷於南海

西海設有闕國則依卿所請封之仿虎領首謝曰當
是時浴殿下恩惠猶有步騎三千以足禦一而國郡
更無所欲惟願生前聽殿上仙籍舊聞記秀吉感其志
為執羹叙從四位下任侍從摺左右曰山東本多忠
勝鎮西仿虎一雙之士也舊聞記仿虎改名宗茂因系
作十文祿元年宗茂率兵三千或作二千五百征明與諸將
攻屠城邑而守朝鮮王城南門南門明之衝路而當
王城乾方歷數日韓虜數千據要地阻撓我使路欲
遂之未發蜂須賀家政有馬晴信等引兵還宇喜多
秀家遣人問詢逐虜宗茂乃檢地利是夜遣夫卒艾

草虜未滅明夜宗茂率兵千餘分作三隊為覆因城
曰雖虜出必勿競鬪徐徐追躡可就而入烏虜二三
千果出兵起追尾逆戰宗茂邀之要地三面掩擊逆
北遂乘虜寨縱火斬獲七百餘八月朝鮮王昭去王
城匿義烈乞救于明明主使祖承訓為將督虜五萬
赴接到平壤安定館小西行長率兵七千自安寧黑
田長政自黃海來布營秀家亦使大友義鈔及宗茂
兵八千列陣對明虜七日黎明明將史儒率明韓虜
五千餘突行長前部是日河霧四塞我軍未識事發
不意前部敗衄長政督兵六千邀擊當史儒史儒傷

而退長政猶進韓虜三萬遽起圍長政中儒亦回虜
四圍數重戰鬥殆危義紡行長懼而不出宗茂奮起
曰不可棄也乃督兵二千親自把戟而進長政得機
縱橫奮擊終破之行長望見韓虜色搖經廻其右討
捕史儒獲虜三千五百餘尋行長保寧定館距中路
四里餘義紡繼之紡虎長政相次以為間城府繫援
明主聞敗遣李如松宋應昌帥虜二十萬來援到遼
東以韓虜逃匿者亦加之唱言四十萬云文祿二年
正月六日明韓併襲行長于安定館繞圍數重我兵
努力捍禦為所毀柵一重衆勢不挽屢伐明虜固備

義紡聞之遁走抵宗茂營曰行長為虜被殺禦戰不
利願偕入王城宗茂對曰我未聞行長死且不見虜
而走是我所不為清僕為後援擊虜卻之行長若不
生則為之吊戰矣義紡戰慄不肯曰以我寡對衆虜
奚得生還哉言未畢奔去入長政樂川營謂長政曰
行長既被擊故我退塗說宗茂退陣禦年弱不聽意
渠今就擒乎戰死乎不出二路長政曰未明虛實雖
候信而進退亦不為遲也義紡猶不能保遂走王城
行長防禦竭力九日黎明終棄營而去明虜遂擊危
戰數回厲兵衝衝退走十日平且宗茂察虜舉動欲

快戰將發牙纒增嘗在王城誤聞宗茂就擄駭忿率
兵七百疾馳到與宗茂相逢悅卽併兵三千向安定
館往三里程兵二三千踴擊馬烟來近見之乃行長
也問狀對曰虜衆已禦且追躡來二三里言終奔去
纒增曰誘行長適戰于此宗茂曰敗將不可共備乃
斲三千兵作五隊以備明虜七八千奮來宗茂纒增
奮然發圍三面掩擊明虜不得整旅盡敗走追擊獲
首一千餘敗虜歸安定館所在明虜遽驚走十餘里
宗茂還營瑛王城動止諸將相議謂霸湘川冰可消
不可涉人也大谷吉隆馳驅巡視河邊命曰靖疾退

於是宗茂登長政俱還王城明虜亦到開城府相議
守備王城宏濶陣營不整秀家等或謂去王城退保
釜山浦而乞援軍以再戰矣或議構柵於城外固備
爲小早川隆景持謂秀家曰虜勢日加頗強盛我無
防禦之備有一人無謀戰虜發來則衆如之何靖嚴
戒守禦對曰大虜數十萬我軍何能當烏頃聞秀信
帥師而發不日必到不若瑛之且聚散兵拒戰矣虜
如急襲則退與諸將偕守禦隆景曰不可也義纒行
長既敗走渠得機而進長政宗茂頗得利今走保于
此虜益加勢我師今避王城使虜入勢陪不可敵我

機衰力罷勝負不戰而明也秀信之發我未聞日時
且今棄王城則後戰已為宗茂離次日虜雖衆多非
野戰則難勝我熟察虜情以衆圍我於王城斷四路
必矣不若擊彼無備辭氣奮厲或難之隆景曰宗茂
之言是也長議莫益故令雖虜百萬一舉我拉擊先
豈不可讓也而起於是衆議乃決備長政及吉隆兵
七千於南大門宗茂鈔增三千於西大門增田長盛
石田三成五千於北門行長等七千於東大門其餘
為遊軍二十三日李如松併韓虜對南面相距數里
明日加藤光泰前野長康率兵三千誘虜明虜數千

出戰光泰等皆敗走二十餘町秀家亦發兵於日相
挑未戰二十六日議未決隆景奮厲曰匪宗茂不果
矣於是議乃決舊聞是夜三更宗茂發王城與鈔增
騎兵三千分作三隊小野鎮行為先鋒十時傳古衛
門次之宗茂為後拒率兵三千臨敵陣既逼宗茂當
水於前路背森樹竝東明一二隊仙柏距遠傳古衛
門率兵五百乍候與明虜查大受韓虜高彥伯遇礮
石嶺而敗明虜追躡傳古衛門及兵士死者二百餘
人鎮行整旅而進與虜接戰半刻許已束明多獲虜
遂追靡之虜再競進宗茂當之自卯迄己刻斬獲二

千三百我兵死者三百宗茂固陣長改吉隆來謂一
戰有大利請拂陣宗茂意決死不敢許王城諸將聞
宗茂殆急也秀家隆景長盛三成鞭汗馬馳驅而到
明將李如松見三萬虜為宗茂所敗自督虜十萬分
作三十五段道路為之存塞我兵雖也萬行長光泰
等懲前敗彷徨中途持戰者三萬餘宗茂為之光鋒
分為十三隊隆景前軍三千先宗茂陣秀家兵八千
亦先登而戰不利而退隆景師一萬代之進與虜前
隊一萬相戰克之明虜敗績隆景猶進明虜如雲霞
合圍隆景突一面而進宗茂次之遂追虜破之隆景

秀家師俱返戰如松列前隊下令巡邏過墜騎衆虜
扶而去諸虜遂敗走于霸湘川冰上衆虜汗馬足熱
徹透冰忽裂虜馬溺沒者不知幾許萬所獲首一萬
七千三百餘級舊聞是日宗茂親獲二虜首繫鞞鞞
劔亦曲折不納甲仗皆血過隆景營頭謂粟屋景雄
等曰軍起不慮見破景雄對曰雖虜所壓返擊之勢
實今日之華也隆景望虜首曰美矣哉宗茂對曰是
常事武隱叢話二月四日秀家饗諸將於王城慰軍勞或
謂發銃矢十五間善中照星平黑田長政以銃削星
端宗茂試射矢透星中並如約宗茂乞長政之銃秀

家亦乞宗茂之弓舊聞從是速明年行長與明人沉
惟敬議講和秀吉信誑妄下令曰屠殺赤國牧司城
而後宜講和是以三月木村重茲加藤光泰長谷川
秀一率兵一萬二千攻晋列城虜邀戰師不克秀吉
聞之謂是我耻也是故皆欲急屠晋列以雪先敗行
長欲止不能四月秀家及毛利秀元發釜山浦向晋
列清正長政伊達政宗等師五萬行長駐堵中途推
惟敬曰晋列攻伐之事非太閤之旨實起於堵將私
意也所謂赤國者晋列也初模寫朝鮮全圖披色以
分八道晋列着赤色是故呼曰赤國云明將劉鋹欲

後援五月二日黎明率虜六萬至晋列清正長政秀
家為先驅對前門師總四萬攻宗淺野幸長秀元師
二萬自後門圍攻旬餘虜未屈撓師聞劉鋹後援軍
議宗茂靖與毛利秀包併兵四千違晋列城二十餘
里對坤方而布軍十三日晚劉鋹裨將班琳或作班虎率
虜六千來相抗發兵誘引不出每宵窺見守衛嚴戒
聊無虛隙迨東明宗茂秀包拂陣退二十餘町分作
五隊覆立處虜不知而謂敗去衆虜散列至陣趾或
疑在如瀝下騎隊伍未整師三面奮起發矧掩擊衆
虜狼狽斬獲七八千四方潰亂後拒一隊整部而進

秀包突戰宗茂偕擊遂克之與秀包整旅十七日遂
拔晋列城獲牧使四年六月秀吉召歸宗茂使備不
虞賜第于伏見大坂舊聞記行長詐謀發覺溝和事敗
秀吉赫怒慶長二年春諸將航海四月明主以楊鎬
劉敏麻貴為將虜數十萬而發諸將各據城寨以為
長陣之固是冬十二月楊鎬率虜三十萬圍清正於
蔚山城清正城代加藤直正及淺野幸長太田一吉
等努力拒戰清正聞警馳突圍虜趨入城速念後糧
食竭乏割馬而食或夜出採尸虜炒米牛肉等以陵
饑事聞釜山浦秀秋秀元長攻率師三萬踰舟路達

蔚山慶長三年正月四日達蔚山十二里北土陸路
掩擊明虜楊鎬敗而退去先是明虜一萬據般丹般
丹距釜山浦四十里程釜山浦兵寡士氣不振秀家
誘宗茂巡視宗茂領諾曰非惟巡邏耳臨機一擊以
滅焉擇精騎八百是夕發釜山時寒風裂膚暴雨浸
甲宗茂減士卒半夜抵般丹窺虜不備縱火焚之虜
倉黃散亂不能拒禦虜將牧勢遼周章先脫虜大潰
獲首五百俘斬甚多舊聞記六月逸史作明將麻
貴舊聞記率虜六萬攻清正于蔚山行長嘉明在順
天城行長懼而走松島城嘉明固守明虜海陸分部

遠圍順天城鄧子龍率虜五萬攻松島城堵將群議
于釜山浦宗茂督軍議歷日恐失時機請先擊蔚山
虜則泗川自潰然則順天一處耳故令雖衆多亦自
退散矣我先救蔚山秀家嘗與宗茂有隙意欲昇愧
於宗茂曰蔚山後援宗茂一隊而可矣衆難之秀家
曰立花部兵不足三千故令雖殲非我損矣宗茂覆
忿九月六日舊聞記以甲五百舊聞記抵濱邊
蔚山遺五十四里造遺元績探虜動靜與虜距三里虜五
千乘曉霧來襲宗茂揮麾逆擊追北左右皆曰彼衆
我寡恐不利宗茂曰脫斯機則渠知我寡單且虜馬

蹄亂不能及戰遂進復破之追擊十四里及領舍命
逸俘囚僉驚曰是視我情也宗茂曰彼既疑我寡今
得我情而來可以逞也夜設五覆以待三更虜果至
前後夾擊大破之斬獲四百餘部下死傷不過三十
六日黎明達蔚山十里程氏全澄與虜接刃三回虜
終辟易衆騷擾解圍走清正出城追躡宗茂亦夾擊
明虜遂敗績七日平明宗茂歸釜山浦舊聞記大志附錄三
庚子從宗茂在國得毛利輝元募徵衆議不決小野
鎮幸曰計內府東征上杉佐竹大敵也攻伐歷月
東西夾擊則雖有百計策必不過據江府使秀賴鎮

撫山東在此一舉矣衆同之獨立花增時入道賢賀
不從曰我嘗聞智將勝無形 內府長兵略將有事
於關西未發師之前察之則棄會津回師三成等雖
稱幼主命衆志不協且如水清正與三成不和從
內府者必多矣我善守城屬 內府與如水清正合
謀保全社稷宗茂曰成敗姑舍是豐公之恩藝彦之
誼共不可殫矣乃與秀包胥議赴安藝屢諫輝元不
聽與秀包往大坂與衆合謀率兵領勢多京極高次
在大津城應東自焚外街振柵於東西海道阻撓行
旅宗茂聞之歷山路赴大坂問計於輝元輝元令宗

茂攻大津於是宗茂還勢多率兵拔木津口鹿角木
遂守者而向大津伊東祐兵毛利秀包等據阜丘楯
樓縱巨銃攻擊或登高觀音山連發大煩城樓壞崩
壁墻露龍九月十三日衆合攻宗茂起衆遂拔三郭
而登次郭薄牙城高野木食僧來往說和平十五日
高次致城宗茂使家人臼杵新助送高次於高野山
宗茂入守城次日平旦宗茂東抵草津聞關原之敗
東師攻佐和山部下或謂良方天色赤佐和山陷矣
十七日率兵三千入京師駐騎于御幸町舊關記本
慶長記本
下家定從高臺夫人之言猶在京師宗茂使人謂曰

令郎改圖言治道斷卿如有意於嗣君請俱至大坂
嬰城一戰辭曰去就難猝決子且先往乃閉門自守
嚴戒高臺夫人聞宗茂入京師懼而走入禁闕宗
茂西家定曰渠固當然遂奔大坂駐天滿橋使謂輝
元曰公必嬰城請受一降辭曰姑議而後吾宗茂曰
吐今日何議之有乃入城見輝元曰欲向關原軍既
敗將士潰亂雖然是城猶完東師必至速嚴守備拒
戰則敗軍聚合血戰應對東師請疾分隊嚴戒我亦
受一降輝元思慮茫然少時而曰我師陪東敗于關
原况東兵加多我軍散失以斯疲兵何得東兵之強

乎我既決所置矣宗茂切齒而去謂歸國觀變部下
諫曰君之所以報國酬知畢矣盍改圖保宗宗茂乃
使人乞降於行營會秀包亦至自大津宗茂告情勸
降且欲俱就國曰我當觀吾納言而進退宗茂至海
門奪舸與義弘遇尼崎俱歸筑後界義弘勸自薩入
筑宗茂辭而還柳川

慶長記
逸史

○按中興武家盛衰記之宗茂與輝元別欲過與
津義弘定去就勢義弘家久妻到川口而族義
弘之至一日夜義弘僅免到界浦宗茂聞之赴會
議義弘勸共俱歸國宗茂辭曰我如從卿之言則

人將謂宗茂黨賊失居處矣我甚愧不如就國泣
歎快戰而死乃別去

浚渟修壁設備蓄仗積糧嚴戒十月加藤清正遣人
勸歸順對曰懇款之情難報然頃聞錫鳩勝茂新降
德川殿得完封邑欲屠我城邑而謝恩我嘗與彼有
邦今聞其來攻不接一箭避城去所吾不能顧與快
一戰而後不論勝負以城邑致卿乃贈盟書清正感
志藉陣以候報錫鳩勝茂自將步騎二萬出陣八院
在筑後○古御
物語作鉢院
中興盛衰記
石田軍記 黑田如水亦討不順徑豐前松山川
初勝茂聞宗茂歸城欲攻屠以償前日

之不義起兵柳川之地也隄澗多僅通小架巨行大
軍勝茂計架假橋構柵于崖畔或修築堤封途覆兵
而抵八院於是宗茂與宿臣議余謂邀擊有利宗茂
曰方今三面受敵無所適我嘗欲族如水接刃以決
雌雄矣治部敗亡大坂拒弱我甚愧衆是以期一戰
欲傳武于後而已乃就睡高齋老臣小野鎮行立花
參河耆為左右隊長隊下群士居常競武互懷確執
時十一月鎮行參河或作三
大夫率兵四千三百次榎
木原或日參河子成家與隊下士僅出與勝茂兵戰
獲首五十餘級古御物語作茂家
與隊士出城而戰鎮行部下聞見歷

日鎮行子茂高及隊下士夜潛出赴敵叁河隊下傳
聞相競亦出但敵陣勝茂諸部懲悔前日朝驅亡兵
日夜邏遠警衛不懈是夜勝茂知作索有夜擊各部
整隊嚴戒茂高茂家等發聞雜仗掩擊敵固備逸戰
鎮行茂高被傷士卒敗走或墜湟澗死傷者多茂家
繼戰復為所敗多死傷茂家亦被創而還古御物誌

○按中興盛衰記石田軍記並云十一月和泉三
太夫等率兵四千三百次復木原分作二隊與勝
茂兵戰三太夫死之和泉傷勢撓而猶不退死傷
相互勝茂揚兵而去○古御物誌不載次復木原

皆作出城而戰勝茂乘勝進軍於城際野史氏疑
宗茂勇銳先與宿臣議皆非居受敵者故姑從中
興盛衰記石田軍記載焉

勝茂乘機而進如水亦徒陣于藤山與勝茂議遣人
講和宗茂許諾勝茂回兵古御物誌清正使人稱贊將士
勇銳宗茂守盟致城於清正清正實宗茂于肥後南
關善視之盡收撫臣庶界以舊邑稱曰柳川部以列
隊下之藩翰譜國史實錄○藩翰譜清正及如水為
怨靖者宗茂罪悉收采邑而後東照宮備聞宗茂
進止使清正促東上清正喻宗茂往京師見東照

宮謝罪命賜棚倉城陸食邑一萬石

○藩翰譜云沒收采邑而後每侍東府賜奧列南
卿地三萬石實慶長十八年也○創業記云賜關
東田二萬石或云慶長十五年七月二十七日賜
棚倉一萬石○又一說云宗茂失采邑居肥後高
瀨明年春入京師淹留三年慶長八年往江府寄
寓高田寶禪寺 台德公召列書院番頭將賜三
萬石地 東照宮聞之曰宗茂者古老之義士不
論祿厚薄宜與城地是以賜棚倉城食邑一萬五
千石○野史氏今按淺草寺塔中日音院立花氏

累世所歸依世流云宗茂寄食院中有召命賜棚
倉城云○國史實錄云宗茂到大坂乞降 東照
宮宥罪收舊邑移奧列賜二萬五千石據之考則
庚子年矣○關原記云賜棚倉一萬石後十三年
賜本知柳川然則實為慶長十三年矣

大坂冬夏從從師藩翰譜記元和六年八月復封柳川
城十一萬九千六百四十七石藩翰譜作十萬八千
改稱飛驒守藩翰譜記寬永十四年十月塙原賊起宗
茂率子忠茂赴伐明年二月平之是冬致仕剃髮入
道號立齋藩翰譜十九年十一月卒年七十六藩翰

譜系圖武作七十四法名松陰宗茂號大圓院系圖舊無子取
姪忠茂為子忠茂小字千熊丸實直次子也元和八
年叙從五位下稱左近衛將監台德公賜諱字襲
封而後叙從四位下舊開記正保四年六月拂郎機
中興盛衰記作賈舶漂着疏黃嶋忠茂受命與西道
彼爾杜瓦爾諸侯備軍繼嚴戒終追却烏尋任侍從改飛驒守寬
文四年致仕別號入道號好雪延寶三年秋卒年六
十三家譜藩子鑑虎襲封二男貞晟稱彈正領食邑
五千石仕幕府鑑虎子孫世侯宗茂弟直次為父紹
運嗣更族稱立花

高橋鎮種姓大藏氏其先與秋月氏同祖中世光種
建武中相足利尊氏與仁木一色為筑紫三檢斷之
一貞光種初補職子孫相襲築高橋城世繼職邑又
城巖屋寶滿而居之迨大友氏興三檢斷子孫微
廢職或為被官迄天文季年仁木一色嗣絕光種七
世長種僅保祀耳螢死無嗣家人屋山北原福田伊
藤等相議請大友義鑑曰高橋氏無嗣故家將絕願
得公族一人為後義鑑乃使枝屬一萬田親敦繼之
改名鑑種稱參河守藩翰勇武多材藝大友宗麟愛
材武遇待甚渥益采邑寶滿巖屋田二千餘頃弘治

三年守巖屋城

九列軍記宗
像追考記

○藩翰增之永祿二年四月益邑○大友興廢記

之弘治三年七月七日討秋月有功予巖屋城鑑

種嫌忌僻地與毛利元就通謀招入秋月種實其

其城自搆寶滿嶽城令家人保巖屋城而掠畧郡

邑既及五郡亟掠塞豐通路宗麟聞而怒使戶次

伯耆吉弘左近村杵越中等伐之云

毛利元就密遣人於西列說有憾於豐者諭為內應

先是宗麟耽溺鑑種兄一萬田某妻託罪殺某奪妻

鑑種志恨送款於元就永祿十年六月修寶滿山城

蓄

高糧秋月種實其父之亡脫走陰圖復邑聚黨來往

豐後伺釁鑑種招約為父子使乞師於藝曰我舉

兵豐必來討汝以藝師至夾擊之筑紫堆門子廣門

在藝亦還肥前招聚遺臣據三條城以應鑑種宗麟

聞之大驚曰廣門作亂固宜鑑種智勇超衆君臣之

義蓋亦聞之且我遇之厚何故反也豈其被虜而懼

抑又有弘諸吏抑之不通宜遣使者問之諸老皆曰

君常以鑑種為有材待以殊禮是以驕恣蔑視臣等

且其為人小有才實無忠貞之節然臣等所言每不

見省鑑種君之所寵任言之祇以取咎是以不敢今

果致旦鑑種有想不得通宜親來申理反據城收此
不遇過啓藝自封殖耳請速發兵抗之不聽曰反果信
必有報者姑待之居三日宗像麻士大鶴小田部飛
檄至言鑑種反多召集無賴四出劫掠星野三閑亦
反保寶滿宗麟意猶疑之使吉良五兵衛問鑑種曰
卿何所苦而致對曰筑前肥前改令之所不及君無
與知而可矣豐將士有願屬藝者我為代請使者反
命宗麟悔怒諸老豫閱兵峙糧以待使者還九列軍
記高橋
宗麟乃使戶次道雪白杵鑑速吉弘鑑理是秋七
月軍太宰府七日大戰于寶滿山下鑑理兵敗退保

巖屋寶滿鑑速由巖屋城後山急襲城兵三千餘死
傷略盡餘皆走下山衆追擊少有脫者鑑種爪牙足
達兵部死之城陷道雪鑑理圍寶滿城城也險峻加
以六月以來完鑄雖堞宇固弓銃亂發經六旬而不
陷豐軍死者甚多度難急拔還軍山下欲以奇道破
降之九列軍記
典廢記永祿十二年五月道雪等亦來攻鑑
種乞援于安藝藝師與豐師大戰于多多良濱藝師
敗去迄十月鑑種勢屈因吉弘鑑理乞降宗麟許之
予豐前企赦郡徙居小倉城九列軍記
藩翰譜至是鑑種臣
高橋越前及屋山北原福田伊藤成富萩尾等復請

宗麟曰鎰種背汝罪大臣等不復以為君願使公族
繼撫其衆則實滿巖屋莫不為墟莽初北原鎮久作或
系有寵鎰種勸之及迄鎰種遷小倉不吉而去抵豐
府想曰鎰種怨恨潛謀異圖族滅不久矣請迎吉弘
鎰理二男鎮理以為高橋氏後堵老據曰實滿巖屋
險要宜得猛士守之鎮理亦鎰種之族也有文武材
宜為之後遂許之元龜元年鎰種與鎮種為父子之

約

九列軍記
藩翰譜與廢記

鎰種別號宗專

藩翰譜

○高橋記云初父鎰理為鎮種娶齊藤鎮實妹生
宗茂幼增○柳川吉弘某所藏古文書云鎰種遷

小倉以秋月文種子元種為繼紹運非鎰種義子
永祿十二年十二月宗麟授巖屋實滿於紹運

鎮種本名鎮理小字彌七郎改主膳兵衛藩翰譜後

稱參河守史主膳正實吉弘鎰理或作二

男為鎰種義子實高橋氏改今名逸文或為實滿巖

屋城代典廢記領筑前三笠郡藩翰譜別號紹運

居巖屋城時年二十三後使子直次居實滿城藩翰

天正七年七月筑紫宗像原田麻生合兵軍太宰府

紹運赴伐之道雪遣薦野增時竹迫紡種援之大戰

于觀音寺秋月種實襲巖屋紹運還軍拒戰歛尾擊

紡種殿而死紹運得間入城立花八年與種實戰不利來圍巖屋乞救於豐不出紹運與種實相持行越十年十月種實復起兵來攻米山城拔之紹運率軍兵伏幽谷急襲擊之歛項轉溝壑追擊獲首二百級與廢記十二年三月筑紫廣門遣人伴伴為敗茶者入巖屋小毬盛藥點火置屋宇間七日夜風烈火發屋宇盡焚廣門望見起悉其卒及諸若兵急來傳屋山種速盡力防禦會紹運從寶滿馳騎相屬廣門引去尾擊獲首數豐前賞書八月紹運與道雪出軍高良山謀進伐田原親家猜忌二人切勲多問之宗麟肥陽軍記十

三年四月嶋津義久使種實等為前鋒來攻巖屋宗茂送器仗兵糧紹運不受宗茂兵八騎密滯留夜出所蔭隊長川上左京陣獲首級殘太是秋道雪卒子陣中豐堵將皆回入日田紹運將旋兵筑紫兵謀遣人間入寶滿縱火堵若兵會之攻圍城中兵寡猝起不意不能拒禦終紹運夫人及子紡增并巖屋廣門使其人守城紹運夜半望見火焰燭天舉軍恟懼已而定知其圍收兵歸居巖屋自道雪攷西路諸城皆禱氣蘆野家譜十四年紹運與廣門和平約以廣門藩翰譜女嫁紡增肥陽軍記七月薩師拔勝尾城藩翰譜廣門

出而降廣門兵守寶滿者聞廣門已降薩師將攻巖
屋人無固志或歸言紹運曰君何不遣公子取寶滿
紹運曰宜拘筑紫諸臣乃遣人議之筑紫臣議曰公
子已為我婚婚猶子公子果至誰不翼戴者九列治
筑紫臣請紹運迎訪增云紹增時歲十五紹運以其尚少且筑紫
氏多變詐召群臣問之莫敢對伊藤外記離次曰鄙
語有之之買鷹百緡宜試之鷺其直不過三十錢耳
君盍試遣公子紹運曰善乃使紹增入寶滿從者二
十人薩將使人謂寶滿曰廣門已降宜速致城筑紫
臣執紹增以降紹運聞之遣伊藤源右衛門往視之

初鎮久之珠源右衛門有功以失寶滿見黜鬱快不
樂至是時與族十餘人馳至寶滿入城進執筑紫良
甫抽刀當其心曰汝欲奉令子故遣之今將行大逆
以媚族歟何邪吾輩欲相令子自裁故來汝若拒之
今死其族亦各執一人將刺之或進開諭納質子議
源右乃留衛紹增高橋薩師步騎四萬入筑前時紹
運在巖屋城○碎玉作名塙活城守兵寡僉曰不如避城據寶
滿歛圍立花則有後援之利矣紹運曰不可也歛放
分一萬兵壓寶滿以三萬圍立花則我兵不得出城
薩師雖衆多如擊彼一面何難之有又力竭鬪死則

勇剛轟歎軍彼攻之花之日意懷沮畏必矣我死地
在此也子等去則去衆感激其言皆憤發固守薩師
果合圍國史實錄 鳴津家久使人來謂曰廣門已降
卿收其遺臣使勿增保寶滿何耶寶滿筑紫氏之有
宜速致之否必伐巖屋紹運對曰君之來未嘗使一
介命僕猝抵太宰府僕竊惑焉今又命致寶滿不知
何故君既枉師徒願據城一戰而後定議龍造寺秋
月張雄已久一旦歸命麾下廣門身擁強兵不能戰
輒以城降僕雖不敏不能為此必力戰以効死節矣
治亂記 乃據險要拒備薩部長伊集院忠棟及原田
高橋記

隆種秋月種實等自前門川上左京徑萱川關廻四
王寺山偪城壁古御物語 宗茂使十時連貞靖曰巖
屋淺陋兵亦寡少不可以當勁敵上國援軍將過赤
馬關而西不如據守寶滿紹運曰相時量機智者之
任也守節死義士之業也古不謂乎地利不如人和
寶滿雖險士衆不和非所以持久我之於豐府至親
也我嘗為豐力戰屢克敵而天命不佑疆土日蹙物
莫不有終始是天喪我之秋也足利氏興而以來九
列門胄亡滅無餘天之未喪我宗保巖屋亦可以却
敵天之將喪雖據寶滿豈能獨免我已決死忍棄其

守而取奔亡之辱乎上國援軍道遠何以能及我急
若擇險莫若立花雖然方事之殷父子同嬰一城恐
非上策也且道雪知我若使宗茂得免我何愛死我
先戰必能但阻一旬戮敵不下三千薩師雖壯喪三千
人則攻立花必不能力立花城固兵亦多薩兵善攻
可阻二旬歷三旬則援軍必至慎守子城莫以我為
念連負反命宗茂及群臣皆莫不泣涕治亂記岩復
使其人來且輸糧仗天丸紹運不悅皆遣歸藩輪譜
途遇薩兵于八田村與戰而還宗茂率兵出敵已去
十時相
摸物語

○立齋舊聞記云野上七郎等二十七人皆止城
俱拒戰死

七月十四日薩師進圍城數匝鼓噪而登城中亦應
之敵推竹束為盾四面排銃連發自午迄亥起自己
至子烟火晝夜不絕火箭射城屋舍皆灰燼薩將傳
令曰援軍將至宜速定九州軍卒蟻附旗幟混文二
十六日羅城陷退保二三郭屋山種速成富左衛門
等各分隊防禦紹運與百五十人居牙城薩師請止
矢丸稱新納藏人呼曰願與城中言紹運上樓陽稱
麻生外記見之藏人曰子君以寡當衆可謂守節不

忝其職雖然嘗聞義士不為不仁者死大友氏崇邪
教虐士民每戰不利土壤日削如我君施德愛衆諸
士子來戰莫不克己并八列以我觀之子君不如早
降之為愈也紹運對曰吾子之言不足以報寡君僕
當代謝人之盛衰譬如草木榮枯莫不有時苟不
利雖有德慧亦無如之何棄義取利臨危苟免是寡
君之所不為也聞者慨嘆更使莊嚴寺僧來說曰薩
軍已取羅城足以為功願與君成得君一子養視立
花寶滿所隸縣邑世世無有移易且豐薩世誓靖君
居問以結二國之歡俱僇力以擊却上國師矣紹運

對曰方今豐師屢折我與宗茂皆在圍城中不能出
援上國後援未至死固其分於是為媾豈非耻耶我
世有此地且豐關白有封冊書在與其不義取辱不
如守節而死矣薩君由義而行我之執諒何以攻圍
至此他反覆無義之人若斬其首傳示我敢不納質
乞降乎和議遂絕九列軍記 薩軍議曰城中戮力死
守從前門進徒損衆不如得嚮導聞出其後乃求村
民為導皆避兵山林已捕杉塚農夫一人昇金為導
經國府登四王寺山將夾攻焉萬野家譜 二十七日天未
明薩師推竹楯傳崖下黎明百道並登銃丸雨飛死

屍充塞自卯至午薩兵更番互進城兵疲乏無有代者虛空藏臺先破敵進入衆寡不敵先傷畧盡退入次郭渚士卒鬪死或重傷自殺紹運見諸門皆破自督兵出戰所格殺甚多薩兵履屍而登秋月兵歷間路上四王寺山下瞰牙城伐木堙谷鼓噪進攻日哺城兵死且盡餘五十餘人創痍居半紹運曰不可以死人午即登櫓自殺其士皆死總三百六十人

○塙津世錄記云一千餘人○九列軍記作七百餘人○藩翰譜作八百人或作三百人

薩士卒死者三千七百餘人初宗茂使吉田連正後

藤種任等四十餘人來援紹運曰宗茂愛我然敵衆且剛縱令有援兵數百何以得免且我已決死子等宜速歸守立花以俟援軍僉曰臣等已靖而來何以得歸君復有命皆致死於君前紹運感嘆涕下遂留與守及城陷皆力戰死九列軍記紹運時歲四十二高橋記作二十九遺一緘書於鎧曳合憑塙津家久乞達大友氏高橋記云作絕命書家久感義勇捫掃燒趾下胡床備禮厚斂尸骸築壇祭焉古御物譜直次逸史作從藩本名坊增小字彌七郎稱民部大輔系天正十四年薩兵已取巖屋使人諭寶滿降寶滿雖險從直

送一作奪恐

次者筑紫氏臣互相猜防且聞薩師以河内山及巖屋所獲妻子置前行以傳城人人疑懼無有固志及使者至或議以為城中兵寡無以拒勦款且筑紫兵多詐恐其中變不如擁直次去以為後圖因對使者曰汝省直次得入立花唯命之從不然據城以死薩將許可納載書為信直次出薩兵倍約取道於南眾外之薩兵曰臨戰而盟不必信也因紹運夫人齊藤氏于北關在筑後○肥陽軍記作北並直次于吉松在肥後高橋記龍造寺政家遣堀江仙入道逐薩成薩人送歸齊藤氏天正十五年關白秀吉征薩時直次在祈答院命宗茂

召之宗茂殆危秀吉曰參河入道賢賀老練之士也遣之可迎歸賢賀赴遂伴而歸書仲秀吉感賞紹運死節從士宇義以筑後三池郡予直次藩翰譜尋稱主膳正後改民部少輔藩翰譜備考系圖征明之役守熊川支城再渡守加德城豐臣譜庚子役與宗茂黨大坂坐沒收食邑後遇赦賜常陸柳岡田食邑五千石因命改族稱立花系圖藩翰譜元和六年秋宗茂復舊封直次疾篤不能登營未幾而卒藩翰譜明年春召直次子種次賜三池舊邑一萬石尋叙從五位下稱主膳正第忠茂為宗茂嗣子種次六世種周叙爵稱出雲守歷葵

者番兼寺社奉行為若年寄改稱和泉守文化三年
坐事罷職子種善嗣遷邑陸奥伊達郡居下午渡子
種溫嗣今現矣

高橋元種德川記 萬章錄作長行九實秋日文種長

子也弘治三年文種自殺元種庶出生毋携之逃為

鑑種所擒戶次道雪等使鑑種殺之鑑種怜其將種

欲宥之以為己援陽稱家臣高橋越前子置之寶滿

養視報以己死九列軍記 初字九郎與兄種長屬嶋

津義久與大友宗麟戰歷年逮天正十五年秀吉征

薩元種先衆納款賜日向宮碕城五萬石德川記作

征明之役渡海屬黑田長政豐臣家譜叙從五位下

任右近衛將監藩論庚子亂元種與相良秋月等黨

三成守大垣城在次郭高議斬垣見熊谷等首送款

於東師先是伊東祐慶率兵攻宮碕城十月家人近

藤平左衛門拒守死之明年五月復賜城邑藩論

慶長十八年十月富田知信有罪邑除元種連坐沒

收食邑舊章錄作延岡配流于棚倉高橋氏不祀

